

BIJLAGE 8 : DE VLUCHT VAN JOOST SMETS.

BRUSSEL, Kon. bibl., hs 5764 (cat. 3860), f. 91v- 92.

Item anno XV<sup>o</sup>XXII circa festum reliquiarum venit ad domum istam quidam religiosus de Hispania ordinis sancti Hieronimi dictus frater Petrus sub cruce nobiles ut asserunt aliqui cum litteris imperatoris ut eundem reciperemus expensis imperatoris sed nihil inde recepimus. Habuit capellanum sacerdotem qui vocabatur frater Jaspard et conversum bonum eiusdem ordinis. Erat vir devotus sed multum verbosus postquam imperator venerat Bruxellam multi magni domini ac vulgares de Hispania visitaverunt eum quibus dabat monita salutis et aliquando accessit ad imperatorem qui dedit illi audientiam interdum plusquam per spacium unius aut duorum horarum. Jactabat se multa facturum pro ista domo sed parum aut nihil fecit. Recepit multa munuscula presertim a mulieribus quia a domina de Emmeries recepit pulcrum calicem ac diversa pallia et ab aliis pannum de serico et alia diversa donaria. Ita ut haberet quando recessit ab hac domo tres malas quas emerat Bruxelle plenas diversarum rerum et omnia secum tulerat ut mitteret versus Hispaniam. Domina Regina darragon visitavit eum et asseruit alicui quod dederat illi casulam auream quam putassemus habuisse pro capella nostre domine sed fuimus defraudati et eadem hora qua idem Heremita frater Petrus recessit ab hac domo dixit quod eadem hora ipsa casula deveniret ad domum istam sed nondum venit an secum detulit ignoro. Fuitque idem frater Petrus heremita in domo ista usque ad finem maii anno xliii. Item notandum quod in tantum seduxit procuratorem huius domus fratrem Judocum Fabri qui tunc fuit procurator huius domus quod secum perrexit etiam sine licentia prioris sui. Quando venit idem frater Petrus Gandavi

cum procuratore nostro in quadam die veneris habuerunt responsum ab imperatore tale quod die sabbato sequenti locaverunt currum cum quo perrexerunt versus Alemaniam. Cum autem idem frater Petrus et cum eo procurator predictus venirent te Normen quidam miles qui venerat cum eo ex Hispania cum omnibus factis suis sc cum tribus malis plenis omnium bonrum recessit ab eo et idem conversus frater Joannes cum famulo dicti militis et sic dimiserunt eum vacuum et nemo mansit cum eo nisi procurator noster rescriptus et capellanus eius qui modico tempore postea etiam ab eo recessit. Et sic meditant- / tes / hostiatim prrexerunt versus Romam et devenrunt ad quoddam par- vum monasterium una dieta ab urbe ibidem existentibus fratre Petro et procuratore nostro nisi idem frater Petrus fratrem Judocum versus Neapolim ad dominum dictum Mingeval viceregem Neapolis petens ab eode ut illi provideret de aliquo loco ubi posset vacare orationibus et contemplationibus et præxit idem frater Judocus versus dictum vice- regem per mare et ibidem passus multas contumelias a falsis fratri- bus et Turcis tandem pervenit ad dictum viceregem qui ipso audito misit unum de servitoribus suis versus prefatum fratrem Petrum et portavit secum vestimenta et alia facta sua quae ibidem habuit. Cum autem venisset ad pbedictam monasterium invenerunt eum mortuum quo reverso ad dominum viceregem annunciavit eum defunctum. Unde frater Judocus multummirabatur et valde contristabatur. Et idem frater Judoc- cus perrexit versus priorem domus Cartusiensis prope Apuleam qui era visitator illius Provincie et reconciliavit eum ordini nostro. Tan- dem idem fratrem Judocus per licantiam Patris reverende Cartusie ivit Romam in monasterium nostrum sancte Crucis. Scripsitque idem fra- ter Judocus priori nostro quod ab eodem eremita fratre Petro fuit su- tiliter deceptus et seductus. Non est consuetudo sanctorum virorum

aliquos fraudulentem aut subtiliter decipere quamquam idem frater Judocus scribat eum claruisse post obitum suum miraculis. Si ita est commitendum est Deo. Idem frater Judocus fecit maximum scandalum domui nostre et damnum secum portavit unum missale quod inceperat scribere cum imaginibus. De pecuniis nullam facio mentionem committo conscientie sue sed inhoneste fecit dimittens ordinem nostrum quia fuit ab ista domo enutritus a iuventute sua in Anderlaco et postea missus Lovanium expensis huius domus. Et sic retribuit nobis mala pro bonis .Deus det illi veram contritionem etc. ( in margine : Idem D. Judocus fuit prior in domo S. Jacobi in insula de Capro alias in Calabria, provincie Lombardie remotioris, obiit 9 Septembris. ).